

Vide TAB. I. Fig. A. B. C.

FIGURARUM, sub lente Muffchenbrœckiana a me delineatarum, explicatio.

Fig. A. *Flos antice visus, ut filamentum adpareat.*

a. Filamentum.

b.b. Antheræ, antice visæ.

Fig. B. *Flos a tergo pictus, ut pistillum conspiciatur.*

c.c. Antheræ, postice visæ, ut sulci in conspectum prodeant.

d.d. Germen.

e. Stylus cum stigmate.

Fig. C. *Semen.*

f. Semen fere maturum.

g. Stylus marcescens, supra semen reflexus.

XII. *Observatio Anthelii Vitembergæ spectati; per J. Fried. Weidlerum Mathes. Prof. ibidem Primar. & R. S. Lond. Soc. communicata, in Epistola ad C. Mortimerum, R. S. Secr.*

DIE $\frac{18}{7}$ Januarii A. 1738. quidam ex auditoribus meis, cum ante meridiem in campo prope *Vitembergam* agros dimetiretur, forte fortuna Anthellium, sive Solis imaginem e regione Solis veri versus septentrionem positam conspexit. Nimirum mane hora 8 coelum undique serenum, mox circa horam 9, e septentrionali plaga, nubes exoriuntur, ibique sensim

sensum & paullatim condensantur, temporis progressu hæ in meridiem ulterius sese explicabant. Hora 9. min. 30. cum nubes obscuræ fere verticem attigissent, apparuit in illis Sol Soli oppositus, pari magnitudine, rotundus, admodum splendidus, ut oculi ejus lucem ferre non possent, corona sive halone ovali cinctus. Diameter coronæ major, Solis circiter diametros quinque, minor tres capiebat: Ipsa corona rubro flavoque coloribus exornata, parte rubra in Anthelium versa: Tractus nubium, reliquus intra coronam flavescebat, hinc inde etiam rubebat. In Anthelio decussatim sese secabant duæ iridis portiones, sub angulo 60 fere graduum, utrimque in ortum & occasum flexæ, & ad coronæ ovalis peripheriam continuatæ: Quales A. 1661. D. 6. Sept. *Hevelius* quoque cum Anthelio vidit, quemadmodum in tractatum de Mercurio sub Sole p. 176. narrat. Durabat spectaculum per horæ quadrantem; cum enim nubes in meridiem longius extenderentur, & Solem verum occultarent, Anthelius evanuit. Ningit postea parum hora undecima: Mane lenis ventus ex media inter meridiem & occasum plaga spirabat. En figuram ab ipso spectatore mihi exhibitam, in TAB. II. Fig. 1.




Fig. 1.



Situs inversus.

Scala Minutorum Gradus.








Fig. 5.



AB. II.



Mynde Sculp.



Fig. 1.







Fig. 5.



Scala Minutorum Gradus.